

"TASDIQLAYMAN"
Mirzo Ulug'bek nomidagi Samarqand davlat
arxitektura-qurilish universiteti rektori
Ch.J.Turkyilmaz
_____ 2023 y.

**O'zbekiston Respublikasi Oliy ta'lim, fan va innovatsiyalar vazirligining 2023- yil
24-noyabrdagi 507-sonli buyrug'iga asosan Mirzo Ulug'bek nomidagi Samarqand
davlat arxitektura-qurilish universiteti talabalarining qishki ta'til davrini mazmunli
o'tkazish maqsadida "Mehnat muhofazasi va salomatlik muhandisligi" fanidan
onlayn olimpiada o'tkazish to'g'risidagi**

N I Z O M

I. Umumiy qoidalar

1. Mazkur Nizom O'zbekiston Respublikasining "Ta'lim to'g'risida"gi Qonuni, Kadrlar tayyorlash milliy dasturi talablariga muvofiq universitetning **5640100-Hayot faoliyati xavfsizligi, 61020100-Hayot faoliyati xavfsizligi, 61020300-Mehnat muxofazasi va texnika xavfsizligi** ta'lim yo'nalishlarida tahsil olayotgan talabalaridan iqtidorlilarini aniqlash, qo'llab-quvvatlash, moddiy va ma'naviy rag'batlantirish, ularning qobiliyatlarini yanada rivojlantirish maqsadida **Samarqand davlat arxitektura-qurilish universiteti "Mehnat muhofazasi va salomatlik muhandisligi" kafedrasi** (keying o'rinda-kafedra deb yuritiladi) tomonidan har yili fanlar bo'yicha o'tkaziladigan olimpiadani tashkil etish va o'tkazishning umumiy qoidalari hamda tartibini belgilaydi.
2. Olimpiada mutaxassislik fanlari bo'yicha o'tkaziladi.
3. Musobaqani o'tkazishni muvofiqlashtirish, g'oliblarni rag'batlantirish kafedra tomonidan amalga oshiriladi.

II. Olimpiadaning maqsad va vazifalari

4. Olimpiadaning maqsadi: - mutaxassislik fanlari bo'yicha iqtidorli, qobiliyatli va iste'dodli talabalarni aniqlash, ulardagi ijodiy qobiliyatlarning ro'yobga chiqishiga ko'maklashish va qo'llab-quvvatlash.
5. Olimpiadaning asosiy vazifasi sifatida quyidagilar belgilangan:
 - iqtidorli talabalar bilan ishlashni takomillashtirish va rivojlantirish;
 - o'quv-tarbiya jarayonining zamonaviy talablar darajasiga ko'tarilishini ta'minlash, fan o'qituvchilarining pedagogik mahoratini oshirish, qobiliyatli va iste'dodli talabalarni aniqlash va tarbiyalashga qaratilgan ijodiy izlanishlari hamda mehnatini rag'batlantirish;
 - talabalar uchun o'quv mashg'ulotlarini tashkillashtirishda zamonaviy axborot-kommunikatsiya va pedagogik texnologiyalar hamda interfaol usullarining tatbiq etilishini takomillashtirish, ularning ijodiyotini (ijodiy ishlarini) rivojlantirish;
 - Olimpiada g'oliblari orasidan Respublika Fan olimpiadalarida ishtirok etuvchi iqtidorli yoshlarni saralab olish.

III. Olimpiadani o'tkazish muddati va tartibi

6. Olimpiadaga umumiy rahbarlikni universitet buyrug'i bilan tasdiqlangan fan olimpiadasi Tashkiliy qo'mitasi amalga oshiradi.
7. Olimpiadani tashkil etish va o'tkazish bir bosqichda onlayn 2023-yilning 25-27 dekabr kunlari o'tkaziladi.

8. Olimpiada uchun ishlab chiqilgan attestatsiya (test) savollari, topshiriqlari hamda ularni baholash mezonlari ta'lim standartlari talablari asosida yaratilgan, amaldagi o'quv dasturiga mos kelishi shart.

9. Talabalar fan olimpiadasi 2 ta turdan iborat bo'ladi. Har bir tur 100 balllik tizimda Hakamlar hay'ati a'zolari tomonidan baholanadi. Baholarning o'rtachasi hisoblanib, talabaning shu turdan olgan bali aniqlanadi. Talabaning 2 ta tur bo'yicha natijasi asosida egallagan o'rni belgilanadi.

IV. Hakamlar hay'ati, apelatsiya komissiyasining vazifalari

10. Hakamlar hay'ati 5 kishidan iborat bo'ladi va quyidagi vazifalarni bajaradi:

- olimpiada ishtirokchilari bajargan test sinovlari, va boshqa ishlarini tekshiradi hamda baholaydi;

- g'oliblarni aniqlash maqsadida ularning egallagan o'rinlarini belgilaydi;

- olimpiada yakunlari yuzasidan belgilangan tartibda qaror loyihalarini tayyorlaydi va tasdiqqa taqdim etadi;

- olimpiada jarayonida ro'y berishi mumkin bo'lgan tashkiliy, texnik nosozliklar va anglashilmovchiliklarning oldini oladi, ularni bartaraf etish choralari ko'radi;

- olimpiada natijalarini qatnashchilar va jamoa rahbarlari ishtirokida e'lon qiladi;

- o'tkazilgan olimpiada natijalari haqida Tashkiliy qo'mitaga batafsil hisobot beradi, zarur hujjatlarni taqdim etadi.

11. Hakamlarning qarorlari, qatnashuvchilarning familiyasi, ismi va otasining ismi, tug'ilganligi to'g'risidagi guvohnoma (pasport) asosida to'liq va aniq yozilishi shart.

12. Apelatsiya komissiyasi tarkibi 5 kishidan iborat bo'ladi va ular quyidagi tartibda bo'ladi:

- taklif qilingan yetakchi olimlar va mutaxassislar;

- universitetdan mutasaddi vakillar.

13. Apelatsiya komissiyasi ishtirokchilarining shikoyatlarini olimpiada natijasi e'lon qilingan vaqtdan boshlab 24 soat muddat ichida ko'rib chiqadi va Hakamlar hay'atiga tegishli takliflar kiritadi. Komissiyasi qabul qilgan qaror tegishli ravishda bayon etiladi va ishlarni qayta tekshirish huquqiga ega.

V. Olimpiadaning tashkil etish va o'tkazish tartibi

14. Olimpiada 2023-yilning 25-27 dekabr kunlari o'tkaziladi. Uning yuqori saviyada o'tkazilishiga shaxsan kafedra mudiri mas'uldir.

15. Olimpiadani o'tkazish uchun Tashkiliy qo'mita tuziladi.

16. Olimpiada tarkibiga kiritilgan fanlar bo'yicha test sinovi topshiriqlari fan dasturiga mos holda variantlar kafedra tomonidan ko'p variantli qilib tuziladi va tashkiliy qo'mitasiga topshiriladi.

VI. Olimpiada g'oliblarini aniqlash

17. Olimpiada g'oliblarining soni har bir fan bo'yicha quyidagicha belgilanadi:

- 1 o'rin – bir nafar;

- 2 o'rin – bir nafar;

- 3 o'rin – bir nafar.

VII. Olimpiadani yakunlash tartibi

18. Olimpiada ishtirokchi talabalari tomonidan bajarilgan test va boshqa topshiriqlari variantlari yechimi bilan hamda tavsiya etilgan boshqa hujjatlar (hakamlar hay'atining xulosasi, g'olibning shaxsini tasdiqlovchi hujjat, rasm va h.k.) elektron ko'rinishda (shrift – Times New Roman, 14) hamda qog'ozda rasmiylashtirilgan holda universitet tashkiliy qo'mitasining mas'ul vakiliga olimpiada tugagan kunining o'zidayoq topshiriladi.

VIII. Olimpiada topshiriqlariga qo'yiladigan talablar va baholash mezonlari

Olimpiada topshiriqlariga qo'yiladigan talablar	
T/r	Umumiy talablar
1.	Savollar va topshiriqlarning DTS va o'quv dasturiga muvofiqligi
2.	Savollar va topshiriqlarning fanga kiritilgan so'nggi yangiliklar asosida tuzilganligi
3.	Mazmun va mohiyatiga ko'ra savollar va topshiriqlar xalqaro olimpiada talabiga mos kelishi
4.	Topshiriqlar mazmun va mantiqan ishtirokchining bilimini, qobiliyatini va ijodiyotini oshirishga qaratilganligi
5.	Test savollarida mazmunan va mantiqan murakkablikning ta'minlanganligi


Olimpiada g'oliblarini aniqlash va baholashning namunaviy mezonlari

T/r	Umumiy talablar	Maksimal ball	Olgan balli
1.	Ishtirokchining test topshiriqlarini bajarilishini baholash: (har bir to'g'ri javobga 2 ball 50 savolga)	100	
2.	Ishtirokchiga berilgan qo'shimcha savollar javobini baholash: (har bir to'g'ri javobga 2 ball 50 savolga)	100	
3.	Xakamlar hay'atining xulosasi		

6. Yakunlovchi qoidalar

6.1. Olimpiada g'oliblarini taqdirlash marosimlari SamDAQU rahbariyati tomonidan tantanali ravishda tashkil etiladi.

Mehnat muhofazasi va salomatlik muhandisligi
kafedrasi mudiri



Suyunov J.SH.

“Mehnat muhofazasi va texnika xavfsizligi” fanidan
onlayn olimpiada o'tkazish to'g'risidagi NIZOMga
1-ilova

**“MEHNAT MUHOFAZASI VA TEXNIKA XAVFSIZLIGI” FANIDAN ONLAYN OLIMPIADANI
O'TKAZISH BO'YICHA KOMISSIYA VA APELLATSIYA TARKIBI**

T/r	F.I.SH.	ISH JOYI VA LAVOZIMI
BAHOLASH KOMISSIYASI TARKIBI		
1.	Yasakov Zikrilla Xayrullayevich	“Mehnat muhofazasi va salomatlik muhandisligi” kafedrasi kata o'qituvchisi, <i>komissiya raisi</i>
2.	Achilov Anvar Mamarasulovich	“Mehnat muhofazasi va salomatlik muhandisligi” kafedrasi o'qituvchi, <i>komissiya raisi o'rbosari</i>
3.	Kamalova Maxfiza Shamsiddinovna	“Mehnat muhofazasi va salomatlik muhandisligi” kafedrasi o'qituvchi, <i>komissiya a'zosi</i>
4.	Aminov Odil Shodiyevich	“Mehnat muhofazasi va salomatlik muhandisligi” kafedrasi o'qituvchi, <i>komissiya a'zosi</i>
5.	Saidov Bekzod	“Mehnat muhofazasi va salomatlik muhandisligi” kafedrasi o'qituvchi, <i>komissiya a'zosi</i>
APELLATSIYA KOMISSIYASI TARKIBI		
1.	Suyunov Javlon Sheraliyevich	“Mehnat muhofazasi va salomatlik muhandisligi” kafedrasi mudiri, <i>komissiya raisi</i>
2.	Ro'ziyev Suxrob Toirovich	“Mehnat muhofazasi va salomatlik muhandisligi” kafedrasi katta o'qituvchisi, <i>komissiya raisi o'rbosari</i>
3.	Ataboyev Qodir Qaxxarovich	“Mehnat muhofazasi va salomatlik muhandisligi” kafedrasi dotsenti, <i>komissiya a'zosi</i>
4.	Sirojiddinov O'ktam Samariddinovich	Ta'lim sifati kordinatori
5.	Omonov Mahmud	Qurilish fakulteti dekan muovini

Mehnat muhofazasi va salomatlik muhandisligi
kafedrasi mudiri

Suyunov J.SH.